

觀是書不惟有以知前人功業之盛又固足以見諸儒信與之公不出戶庭而玄元之心法求之有餘師矣源流靡已何代無人後之視今焉知不如今之視昔嗣而緝之庶幾斯傳之不朽也歲在己丑冬至後六日拜手稽首謹書

○ 甘水仙源錄卷之十

太上老君說常清靜經頌序全註 一

神 奉 然 然 子 著

夫源清流靜法海之波澄蒂固根深抱純陽之炁運盈虛消息六合周流原天地昭光之由探陰陽樞機之要夫人者委形於天地惟清靜自然之歸混炁於陰陽具變通真常之化清者撓之而不濁靜者妄之而不動天得一清地得一寧人得一靈者一神也若是靈源湛徹聖道流通寂然不動應化無方感而遂通生成何已天地有斯常性清靜無餘男女無此常心昏迷有屬孰能濁以上靜之徐清而已及矣故我太上垂大慈悲演常清靜設教導俗輔正扶宗務化民以歸根使舍真而抱一體洽玄元煉神合道羽化飛仙不為乖謬庶幾信受者體樞法要皆可相應人莫非清靜以為天下正乃至千真萬聖咸不出於此矣

太上老君說常清靜經頌註

五太初為先虛無道自然混元權祖正妙體契宋玄演教明无上知常假喻詮因斯清靜德闡化立經篇

老君曰大道无形生育天地

大道隱乎形真精混窈冥二儀分始炁一氣運無停覆載誠難測生成育底寧陶甄能匠物蠢動盡含靈

大道无情運行日月

日月運虛空明明甚至公得天能久照麗物可咸通有質蒙光煦无情混象融陰陽常體道不息太无中

大道无名長養萬物

妙道實難名包含萬物生運時充地脉任信稟天清吹煦真消息冲和大化成圓通歸一體高下坦然平

吾不知其名強名曰道

无相杳无蹤難名混沌中未萌天地日安得兩雲風塵破胚脾兆衝開物象蒙因斯分造化權立道无窮

夫道者有清有濁有動有靜

清濁陰陽氣周流上下衝自然成感化終則契圓通萬類含滋育三元配合同乾坤交泰定都會一真空

天清地濁天動地靜男清女濁男動女靜

摩判兩儀分人靈至貴尊三才安宇宙二物定乾坤種種含真炁元元實相門剛柔相濟用體道孰能存

降本流末而生萬物

降本通真體遠元見末因春陽敷茂暢秋

候王洞淪太極生形化純和造物新樞機

推大運掌握任功神

清者濁之源靜者動之基

清靜理幽深誰能究竟尋觀空除萬境絕相了諸心慧月流丹漢慈雲覆翠岑寂然

神不動應物顯知音

人能常清靜天地悉皆歸

人悟常清靜知源妙聖機太初无滌滯全寂隱光輝默默藏沙界昏昏徹紫微三元昇降後天地悉皆歸

夫人神好清而心擾之人心好靜而欲牽之

心者靈之府神棲靜可安食嘔癡易作戒定慧難觀深要正中正堅持關內閉常無生六欲法界自然寬

常能違其欲而心自靜澄其心而神自清

若遭諸情欲澄心妙洞觀同真非物物歸寂素般般水遠連天靜山高戴月寒圓融通智慧堂內養金丸

自然六欲不生三毒消滅

正念無偏黨沖虛合自然六根塵頓息三

毒病須瘥妙道超空劫全神連上天些兒

幽密處玄乳自綿綿

所以不能者為心未澄欲未遣也

迷路失家鄉都緣昧已先心浮誠易動境熟為難忘欲添何能遣邪奸轉使荒回頭

堪悟處返照見空王

能遣之者內觀其心心无其心

覺了諸塵漏分明道眼開色聲非有礙知見定須埋神靜千災滅心虛萬慮爽清風穿玉戶自有好音來

外觀其形形无其形

諸相觀非相其形是種元内含真法界體合大空虛雲靜蟾光露潭澄綠色鋪此般明顯示何在覓殊塗

速觀其物物无其物三者既悟唯見於空

寂照觀諸物群靈豈有殊同真非可見絕迹莫能模了了堂中老休休法外元玄玄玄也泯八極任寬舒

觀空亦空空无所空

廓達真空界迴觀一物无混融同太漠漠

寂體虚无洞照音常寂圓通性自如中間

并内外不屬返元初

所空既无无亦无

達了心无物无无實亦无何勞除妄想豈在辯精麤綠靜虛施巧歸真任不淪這般

消息寂孰敢強名模

无无既无湛然常寂

萬法本來空无无合聖功湛然非内外寂尔派西東心境雙忘處方圓一槩同者冥超造化无物悉皆通

寂无所寂欲豈能生欲既不生即是真靜

假寂權為體還當去欲因妄緣如是息真靜自然新契合无生法方知不夜春獨超

天地外任意燕中

真常應物真常得性常應常靜常清靜矣

一定達真常神光莫可量照開三毒室射透五明堂寶月晴空露迷雲蘊迹亡清風

布消息應物任舒張

如此清靜漸入真道既入真道名為得道

曠劫鎮圓成无暗亦无明谷神常自寂法

海晏然清正念投真路澄心達妙程永離

生死繫三界任寬行

雖名得道實无所得

了寂沉聲迹深通至理幽真空寧有得實

相本无修飲啄從他過威儀任自由豁然

除擬議安靜保全周

為化衆生名為得道能悟之者可傳聖道

為證衆生化俱忘種種求煩超无漏果寧

許有根由取捨安能動因緣亦斷流瞥然

都放下聖道可傳留

老君曰上士无爭下士好爭

上士何无爭動常抱志堅樓真常快泊養

素隱幽玄俯仰觀天理窮通達道淵堪嗟

未明者競法昧心因

上德不德下德執德執着之者不名道德

德化非求報恩寬育自於輪光藏大器明

性瑩堅冰默契高穹遠深通至道弘豈同

愚士執分別強談能

衆生所以不得真道者為有妄心

衆生多背道顛倒外邊求妄想因斯有真

靈昧了休本來无欠少何假強持修頓拂

迷雲盡銀蟾照玉樓

既有妄心即驚其神既驚其神即着萬物既

着萬物即生貪求既生貪求即是煩惱

謀事因生妄乖真為動神皆心存愛欲着

物起貪嗔常蘊无明火還添煩惱塵從茲

緣受報六道轉沉淪

煩惱妄想憂苦身心便遭濁辱

為妄生嗔怒貪癡作障緣憂愁長繫絆煩

惱鎮纏綿為此迷真道從斯就業愆迴光

能返照自覺妙中玄

流浪生死常沉苦海未失真道

煩惱緣與念何曾覺自心茫茫遺苦辱擾

擾肯沉吟浪死无休息虛生直至今因而

真道失夢想轉來侵

真常之道悟者自得得悟道者常清靜矣

人若通天地俱蒙道杰存藏根深固蒂滅

魄返安魂得悟長生路須開久視門全真

神自化无上法王尊

太上老君說常清靜經頌註